

擊郁問以姓氏答曰子雲姓楊乃強力隨之遂出門而去至今往往有見者

真誥周暢好行陰德功不在覺時歲大旱客死者數萬而暢收骸骨萬餘具立義塚時或祭祀之應時大雨今在洞中爲明晨侍郎

自然雷鳴法樂霞擁

雲笈七籤馬湘字自然狀若風狂能治病有告之者湘無藥但以竹杖打病處或以竹杖指之口吹杖頭如雷鳴便愈或遊宮觀崖洞多留詩句其登杭州秦望山詩曰太一初分何處尋空留歷數變人心九天日月移朝夕萬里山川換古今

道藏輯要

三洞羣仙錄

卷三

翼集四

風動水光含遠嶠雨添嵐氣沒高林秦皇謾作驅山計江海茫茫轉更深

高道傳道士張法樂居耿谷之西抱元守一凡三十餘年雲生梁棟霞擁窗扉自號爲雲居觀久而道成猛虎馴伏侍側後屍解蟬蛻焉

李預餐玉王捷燒金

感應錄後魏李預得古人餐玉法乃採訪藍田躬往攻掘得若環璧雜器形者大小百餘枚預乃椎七十枚爲屑食之及疾篤謂妻曰吾死體必當有異勿速殯令後人知餐服之妙時七月中旬長安毒熱預停之四宿未殮而體色不變其妻